

RIJEČ UREDNIKA

Elmedin MURATBEGOVIĆ

Poštovani čitaoci,

U novom dvobroju časopisa Kriminalističke teme nastavljamo sa već ustaljenom praksom afirmacije aktuelnih tema. U ovom broju predstaviti ćemo teme koje se protežu od forenzičkih do socijalno orijentisanih, što svakako doprinosi kvalitetu našeg časopisa.



Prvi rad nosi naslov: „Preliminarno ispitivanje potencijalnog utjecaja nasljednog faktora na kriminalno ponašanje u Federaciji Bosne i Hercegovine, autora Aide Omerspahić, magistarntice Fakulteta za kriminalistiku, kriminologiju i sigurnosne studije Univerziteta u Sarajevu i Damira Marjanovića, Vanrednog profesora i šefa Laboratorije za forenzičku genetiku, na Institutu za genetičko inženjerstvo i biotecnologiju u Sarajevu. Predmet studije pomenutih autora je preliminarna analiza potencijalnog uticaja nasljednih (genetičkih) faktora na kriminalno ponašanje registrovano na prostorima Federacije Bosne i Hercegovine. Ono što ovu studiju čini aktuelnom je upravo to što se u njoj prezentiraju relevantne teorijske ideje o vezi između društva, genetičkog nasljeđa i kriminalnog ponašanja. Drugi rad pod naslovom: „Primjena indicijalnog metoda u otkrivanju i razjašnjavanju krivičnih djela organizovanog kriminaliteta“, autora Mileta Šikmana, docenta na Visokoj školi unutrašnjih poslova u Banja Luci. Autor se u svom radu bavi problemima otkrivanja i razjašnjavanja krivičnih uočavanjem indicijalnih činjenica koje ukazuju na postojanje krivičnog djela, kao i na mogućeg učinioca. On svoje istraživanje fokusira na problematiku krivičnih djela organizovanog kriminaliteta, budući da se radi o složenim i teškim krivičnih djelima, koja se obično otkrivaju i dokazuju korišćenjem specijalnih istražnih tehnika (posebnih istražnih radnji). Naredni rad, autorice Sabine Sarajlija, magistricе pravnih nauka i tužiteljice u tužilaštvu Kantona Sarajevo, nosi naslov: „Položaj i uloga tužioca na glavnom pretresu“. Ovaj članak će zasigurno stručnoj javnosti približiti ulogu tužioca kao državnog organa i istovremeno stranke u postupku, te doprinijeti boljem razumijevanju izazova i problema sa kojima se susreće. S druge strane, članak može biti koristan kao štivo za praktičare i buduće nosioce pravosudnih funkcija. Na kraju, imamo i jedan autorski stručni članak magistranta

II	Kriminalističke teme Časopis za kriminalistiku, kriminologiju i sigurnosne studije Godište XI, Broj 3-4, 2011. ISSN 1512-5505
----	--

Fakulteta za kriminalistiku, kriminologiju i sigurnosne studije iz Sarajeva, Marka Srdanovića. Njegov rad nosi naslov: „Bezbjednosni aspekti djelovanja destruktivnih sekti“. U ovom kratkom stručnom radu autor pokušava da prikaže problem sekti kao svojevrsan patološki oblik, ali i da iste poveže sa sigurnosnim problemima, obavještajnim radom, terorističkim aktivnostima. Na ovaj način autor pokušava prikazati različite moduse štetnog uticaja sekti, i nastoji dati objašnjenja za krivična djela i sigurnosne probleme koje ima savremeno društvo i država sa sektama uopšte.

Nadam se da ćete u ovom broju pronaći interesantne i uoptrebljive sadržaje.

S poštovanjem,

Muratbegović Elmedin